

UNIVERSITI SAINS MALAYSIA

Peperiksaan Semester Pertama
Sidang 1994/95

Oktober/November 1994

HMT 301 Morfologi Bahasa Melayu

Masa: [3 jam]

KERTAS PEPERIKSAAN INI MENGANDUNGI LIMA [5] SOALAN DI DALAM DUA [2] HALAMAN.

ARAHAN

Jawab **SEMUA** soalan.

Tulis nombor soalan secara berurutan (sama ada dijawab atau tidak) pada halaman hadapan kertas jawapan.

Semua jawapan mestilah analitikal, ringkas, tepat dan tulisan mestilah mudah dibaca (pengabaian perkara ini mengurangi markah).

Semua soalan membawa nilai markah yang sama.

1. Di dalam buku **Tatabahasa Dewan** (Edisi Baharu) (1993: 198-200) dinyatakan bahawa:

Golongan kata nama dan kata kerja boleh bergabung dengan apitan **memper-...-kan** untuk membentuk kata kerja, contoh: memperisterikan, memperbungakan, mempersendakan, memperjodohkan, memperdengarkan, memperlihatkan, memperbandingkan, dan memperbahaskan.

Di bahagian lain dinyatakan pula:

Dalam hubungan ini penggunaan bentuk-bentuk kata adjektif dengan apitan **memper-...-kan** seperti *memperbesarkan, *memperluaskan, *memperkemaskan dan sebagainya dianggap tidak tepat.

Sila bincangkan tanggapan anda terhadap kenyataan di atas dan sertakan contoh yang sesuai bagi memperkukuh tanggapan tersebut.

2. Di dalam buku **Nahu Melayu Mutakhir Edisi Keempat** (1993: 50-51) dinyatakan bahawa:

Awalan pe- di depan k, s, t, dan sebagainya dalam perkataan-perkataan tertentu tidak mengalami penyengauan, contoh: pesawah bukan penyawah, pekebun bukan pengebun, petani bukan penani.

Berdasarkan contoh perkataan di atas, kemukakan pendapat anda mengapakah perkara tersebut berlaku di dalam bahasa Melayu.

3. Di dalam buku **Tatabahasa Dinamika** (1994: 168), dikemukakan contoh seperti yang berikut ini:

[a] Mereka terkumpul wang sebanyak itu. (aktif-upaya)

[b] Wang sebanyak itu terkumpul oleh mereka. (pasif-upaya)

Kedua-dua contoh di atas menggunakan kata terbitan terkumpul bagi menyatakan aktif dan pasif. Apakah pendapat anda tentang binaan aktif dan pasif seperti contoh di atas?

4. Perhatikan kutipan yang berikut ini:

Begitu juga generasi muda, sebagai pelapis pemimpin masa depan, mesti dipupuk dengan semangat dan nilai yang meletakkan amanah dan pertanggungjawapan sebagai ciri terpenting semua tindakan mereka.

(Berita Harian, 31 Ogos 1994 dengan sedikit pengubahsuaian ejaan)

Sila kemukakan Rajah Binaan Kata untuk perkataan pertanggungjawapan dan huraikan binaannya.

5. Pada masa ini kita temui banyak sekali kekecualian di dalam pengimbuhan bahasa Melayu, seperti: pengetar (+ nge kerana 1 suku kata), penternak (t tidak lenyap kerana 2 suku kata), penterjemah (t tidak lenyap kerana 3 suku kata), penterbalikan (t tidak gugur kerana ada imbuhan); padahal aturan bahasa Melayu yang umum, imbuhan peN+ yang digabungkan dengan Kata Dasar yang bermula dengan t, t seharusnya digugurkan. Bincangkan.